

671.1249  
084  
:6

# 昌黎縣志

## 十卷

人物列女中  
節婦  
例旌

## 九卷

人物列女上  
節婦  
已旌

昌黎縣志卷九

人物志列女上

壹節 婦

(甲) 已旌

以旌表之年月分先後係前清請旌者雖見存之人亦列於前清係中華民國請旌者雖故於前清亦列於中

華民國年代無可考則臆爲注之非敢必曰悉當也

元

王氏李賢卿妻十八歲夫亡誓不他適紡績以養舅姑始終人無

閒言至正十五年旌表

明

劉氏白瑛繼室二十歲夫亡撫前室兩歲子如已出紡績奉姑始

終無二詔旌其門

王氏齊道妻年二十一夫亡守節紡績孝姑嫜藐孤宗堯甫一歲

撫而教之及長任河東都運皆節婦所留也有司旌表其門  
趙氏庠生王尙賓妻二十五歲夫亡撫二女清白苦守終始如一  
朝廷詔旌表之

王氏上元縣主簿張昂側室昂卒於任氏年十九歲遺有嫡妻齊  
氏子國祥甫數歲氏痛夫亡携孤扶櫬還里苦節自守族人欲  
奪其志自縊至再七日不飲食族人知不可奪乃止後氏以所  
居房屋數間地數畝盡遺於族人以避其凌逼撫祥移居城裏  
依嫡氏之姨賃屋而居教祥讀書針黹自給後祥成名且以貢  
出仕有政聲氏年七十卒側室以節聞者難矧子非其出也而  
撫孤以守尤難之難縣上其事詔旌表如例崇祀節孝祠

李氏王訴妻二十六歲夫亡守節至八十七歲卒有司爲之旌表  
李氏省祭官蘇學顏妻二十九歲夫亡守節至五十七歲卒縣旌

表其門

齊氏生員張至臨妻少寡敬事舅姑以壽終縣旌表其門曰柏舟勁節

朱氏張瑩然繼妻夫亡氏幼無所出撫前妻子備歷艱辛終無二志長子我籍官山東德州州同季子我見遊庠有司旌之

劉氏趙斐然妻年二十九夫亡氏紡績茹荼孝養舅姑教育子孫遊泮登科壽九十六終縣旌其門

張李氏張氏庠生張至臨女適高世俊李氏適其弟高世龍兄弟俱

早亡妯娌共誓守節俱至六旬餘卒縣旌其門曰一門雙節

張尤氏張氏庠生宋文耀嫡妻不育納尤氏生二子尤氏年二十一

夫亡兩孤在抱與嫡矢志同守家業賴以不墜撫景光景瑗二子俱遊庠邑宰旌曰雙節冠世

清

張氏吉安郡同知齊士斌繼室二十四歲夫亡撫前室子親愛倍至內外無間題請旌表

汪氏齊士良妻幼寡砥節苦守撫孤遊庠題請旌表

朱氏庠生張我見妻夫亡撫孤入庠縣旌其門曰節嬾孟母

白氏進士李雲起妻雲起任黎城令死於寇氏年二十無子矢志侍舅姑生養死葬紡績自給題請旌表

李氏廩生高齊斗繼室年三十夫亡奉養姑撫幼子卒能肩理家政詔旌其門

郭氏苟鶴程妻夫避兵遇盜死氏少無子矢志無二題請旌表

曹氏庠生張是達妻夫亡無子砥志守節題請旌表

楊氏庠生張敬宸妻年二十二夫亡遺孤甫三月矢志靡他歷三

十餘年旌表

田氏齊士敏妻年少夫亡家貧子幼撫長子遊庠餘俱成立題請旌表

黃氏張鳴鳳妻夫亡遺孤甫三歲矢志守節至八十歲終旌表

馮氏田生瑞妻年二十餘夫亡遺孤甫三歲矢志靡他舅姑耄老孝敬弗衰苦節三十餘年題請旌表

黨氏國學生齊士望繼室夫亡守節撫孤成立題請旌表

張氏田鵬妻二十七歲夫亡遺兩孤長甫三歲次僅踰周月紡績奉姑教長子克昌遊泮苦節三十六年題請旌表

常氏庠生李位妻年二十六夫亡家貧無子繼族姪紹祖爲嗣教之遊泮沒年八十四題請旌表

孟氏馬用德妻年十八夫亡遺孤甫二歲矢志守節事舅姑苦守三十

餘年題請旌表

才氏劉朝宗妻年二十九夫亡遺孤未周歲孝事孀姑撫子成立  
守節四十六年有司旌表之

張氏萬斯屬妻十九歲夫亡氏冰蘖自持題請旌表

孫氏李禮妻年二十三守節五十餘年督學金公給匾旌之

賀氏增生邸爾珠妻夫亡撫遺腹子嚼蓼茹荼以奉舅姑四十年  
旌表

韓氏李作梅妻十七歲于歸甫二年夫歿志勵冰霜督學徐公給  
匾旌之

陳氏李尙敏妻年二十五守節督學金公額旌其門

周氏庠生錢世珍妻年二十六夫亡繼族姪澤爲嗣教養兼至名  
列成均督學徐公給額旌其門卒年八十一

劉氏張化生妻早年夫故督學呂公匾旌其門曰筠節冰心

齊氏高天賜妻年二十五夫故遺二子躬親織紉教養成立長子  
入文庠次子宏裁辛卯科舉人任南陵知縣督學呂公給匾旌  
之敕封孺人

馬氏宋梯雲妻十六歲歸宋舅適秦絕耗姑歿夫繼亡無子祖翁  
年老氏孝養無虧繼姪天又繼承嗣守節三十九年康熙五十  
二年旌表

侯氏庠生高濬妻年二十三夫亡守節撫孤成立長子天權入邑  
庠太守張公給匾旌之

劉氏盛治妻年十九夫亡孝事舅姑時出紡績餘資以周親族繼  
姪大經爲嗣守節三十七年康熙五十二年旌表

蕭氏石德妻年幼夫亡秉性貞淑雍正九年邑侯劉以節凜冰霜

旌其門

趙氏庠生孫繼武妻年二十七夫歿守節撫孤入泮邑令吳給匾旌之

席氏趙夢麟妻年三十一夫亡遺三子氏治家有道訓子有方六十餘年九十三歲歿次子延輔妻郭氏年二十八延輔亡三子延傑妻高氏年二十五延傑亦亡一門三節彤管交輝年七十餘卒督學錢給匾旌曰三松蘊翠

高氏田發啟妻十九于歸四載夫故甘貧茹苦教子有方乾隆元年旌表

郝氏庠生郝良英女歸庠生苟毅爲繼室年二十四夫亡紡績奉孀姑撫幼孤教養並至乾隆元年旌表

曹氏舉人趙天錫妻年三十夫亡孝舅姑勤紡績教子琅由諸生

貢成均郡守張公旌曰坤貞懿範壽九十一終

馬氏萬之全妻三十歲夫亡青年矢志白首完貞乾隆十一年旌表

朱氏高士修妻二十一歲夫亡撫遺腹子作柏由諸生貢成均年九十二卒督學旌表

羅氏處士齊用極妻二十三歲夫亡撫孤成立乾隆十一年旌表  
朱氏貢生劉寅妻二十八歲守節乾隆十三年旌表

馮氏孟上妻乾隆十一年旌表

劉氏處士馬德衆妻年二十二夫亡遺子甫七月侍病姑晝夜無懈撫穉子教養有成乾隆十三年旌表

陳氏田璠妻乾隆十三年旌表

孫氏庠生齊澤徧妻年二十八夫亡事繼姑勤紡績伯兄澤永早

世氏爲擇繼撫之一如已出年六十卒乾隆十七年旌表

魯氏陳愷妻年二十夫亡紡績度日上奉病姑下撫弱息守節三十四年乾隆十九年旌表

王氏馬瑗妻年二十夫亡貧不聊生紡績自給上奉衰姑下撫幼子乾隆十九年旌表

耿氏譚五倫妻年二十四守節奉養翁姑撫子讀書成立育幼孫長入武庠次中庚辰武舉乾隆二十七年旌表

俞氏郭朝掄妻十八歲夫亡孝事撫姑善撫繼子乾隆二十七年旌表

周氏高琚妻二十歲守節繼嗣承祧紡績以事翁姑乾隆二十七年旌表

王氏成奇妻守節乾隆二十七年旌表

羔氏高宏成妻守節乾隆二十七年旌表

齊氏韓燭妻守節乾隆三十二年旌表

趙氏原任博興縣趙文穎女處士閻公鑄妻年二十五夫亡孝養翁姑繼姪爲嗣撫養成立守節四十六年乾隆三十二年旌表

錢氏增生孟法孔妻年十九適孔甫五月夫亡奉養孀姑姑歿盡典簪珥力營喪葬繼姪承祧遊庠守節五十餘年乾隆三十六

年旌表

陳氏齊兆熊妻年十九夫亡遺子泰甫週年氏立志撫孤敬事翁姑延師課子遊泮守節三十餘年乾隆四十一年旌表

周氏趙人龍妻年二十七守節乾隆五十九年旌表

戴氏趙文光妻二十歲夫亡苦節四十四年有閨節留芳匾乾隆年間旌表

范氏郭天民妻年二十一夫歿冰蘖自甘督學德公旌其門

劉氏梁珣妻年十八于歸逾月夫歿撫遺腹子成立遊庠九十歲

卒乾隆年間旌表

王氏齊國柱妻守節隆乾十八年旌表

張氏邢廷直妻守節嘉慶七年旌表

郭氏方成魁妻二十三歲守節孝事孀姑督學倪旌表

李氏萬璋妻十六歲于歸三月夫歿撫遺腹子永勵冰操三十二年嘉慶年間邑令旌其門曰義標竹帛七十餘終

靳氏劉有德妻年十八夫亡矢志靡他繼姪承祧事祖翁姑及翁姑克敦婦職平居淑慎寡言端莊有度年六十餘嘉慶年間旌表

宣氏李玥妻夫亡守節督學徐旌表

魏氏處士張朝弼妻年二十五夫亡矢志守節教子成名年六十  
八歲督學德旌表

白氏萬琇妻二十歲夫亡誓不改適苦節自守邑尊旌其門曰柏  
節寒香

韓氏張國梁妻二十五歲夫亡孝事翁姑慈撫孤子嘉慶十一年  
旌表

阮氏高珣妻二十一歲夫亡孝事翁姑撫弱息成立通書史紡績  
不輟年八十五卒督學旌其門曰冰霜比節

萬氏李素妻守節年分失考邑尊劉旌其門

劉氏趙璐妻二十八歲夫亡無子繼姪蘭芳爲嗣訓子游庠道光  
二年旌表

馮氏任方穀妻庠生馮呈祥女十九歲夫故誓不改適撫嗣子成

立道光七年旌表

劉氏魏元煒妻夫亡守節道光七年旌表

單氏魏元照妻夫亡守節道光九年旌表

王氏馮炯妻二十歲于歸未逾歲夫亡艱苦備嘗道光十年旌表

孫氏李如幹妻二十三歲夫亡事姑孝撫子慈八十三卒道光十

二年旌表

宋氏齊維嶽妻道光十五年旌表

劉氏張際隆妻道光十七年旌表

趙氏周玉瑛妻

郝氏田志元妻

李氏閻燮杰妻

劉氏郭士明妻

李氏楊凌閣妻

俱同前

王氏孫德修妻道光十八年旌表

錢氏李廷用妻道光十九年旌表

侯氏韓緒祖妻道光二十年旌表

杜氏宋恆妻

景氏宋澤濶妻

高氏何紹先妻

馮氏劉桂之妻

俱同前

周氏趙振飛妻十九歲夫亡善事舅姑道光二十一年旌表

李氏余旺妻二十二歲夫亡遺子甫二歲苦守七十四歲卒道光

二十六年旌表

樂氏林文杰妻十九歲夫亡守節道光二十七年旌表

郭氏劉祁妻二十一歲夫亡孝事舅姑苦節五十六年道光先年旌表

孫氏庠生張謨妻二十一歲夫故姑老病侍湯藥無少懈撫姪藝林承祧中咸豐戊午舉人苦節六十四年道光二十八年旌表  
張氏劉德章妻二十一歲夫亡無子孝事翁姑道光二十八年旌表

田氏馬自有妻二十九歲夫亡孝事翁姑慈撫嗣子振先入庠八十二歲卒道光三十年旌表

楊氏童生劉銓妻二十四歲夫亡撫遺腹子學詩成立游庠年七十六終咸豐元年旌表